

4.1 PËZGJEDHJA E ANËTARIT

Për të hapur dritaren **Materiali i bibliotekës kryesore**, veprojmë në këtë mënyrë:

1. Përzgjidh klasën **Anëtari** dhe zgjidhni metodën e **Klasa/Materiali i bibliotekës kryesore**.

Hapet dritarja **Kërko përmes çelësit**.

2. Mund të kërkoni për një anëtar në dy mënyra të ndryshme:

- duke identifikuar anëtarin e bibliotekës përmes numrit të kartës së anëtarësisë

Në dritaren **Kërko përmes çelësit**, shkruani ose vendosni numrin e kartës së anëtarësisë me lexuesin e barkodeve. Mund të shkruani edhe numrin alternativ të kartës së anëtarësisë (p.sh. numrin e kartës së studentit). Në këtë rast, numrat alternativë për anëtarët duhet të regjistrohen më parë.

- duke kërkuar anëtarin sipas të dhënave të tjera

Në dritaren **Kërko përmes çelësit**, lini bosh fushën e vendosjes së të dhënave dhe klikoni butonin **Në rregull**. Do të hapet dritarja e kërkimit të anëtarëve, të cilën mund ta përdorni për të kërkuar anëtarin (p.sh. me emër dhe mbiemër).

Mund të përdorni edhe dritaren e kërkimit të anëtarëve, nëse numri që keni vendosur nuk ekziston në regjistrat e anëtarëve.



Këshillë:

Nëse anëtari është tashmë në hapësirën tuaj të punës, përdorni mouse-in për ta përzgjedhur atë dhe më pas përdorni metodën **Materiali i bibliotekës kryesore** nga menuja e shkurtoreve.

Kur zgjidhni anëtarin e bibliotekës, kryhen disa kontrolle të programit dhe shfaqen mesazhet përkatëse paralajmëruese:

- Nëse tek anëtari është vendosur kufizimi *Vizitë e pamundur* ose *Akses vetëm në internet* do të shfaqet një paralajmërim. Në rastin e këtyre kufizimeve, në dritaren **Materiali i bibliotekës kryesore**, mund ta ktheni materialin ose të ndryshoni kufizimet e anëtarit në redaktorin e **Anëtari**.
- Nëse anëtari ka ndonjë nga kufizimet *Ndalimi huazimit jashtë bibliotekës*, *Karta të mbajtura*, *Karta e humbur* ose *Karta e gjetur*, shfaqet një paralajmërim.
- Nëse një anëtar ka kufizimin *Ndalimi huazimit jashtë bibliotekës*, butoni **Huazimi jashtë bibliotekës** do të jetë joaktiv në redaktuesin e

Materiali i bibliotekës kryesore; nëse një anëtar ka kufizimin *Karta të mbajtura*, butonat **Huazimi**, **Shtyrja** dhe **Rezervimi** do të jenë joaktive dhe nëse një anëtar ka kufizimin *Shtyrja e pamundur*, butoni **Shtyrja** do të jetë joaktiv.

- Nëse evidentohen për anëtarin gjopa të papaguara, të cilat nuk janë shlyer brenda periudhës së përcaktuar, butonat **Huazo**, **Shty** dhe **Rezervo** janë joaktive. Periudha dhe shuma përcaktohen nga një parametër i veçantë me kërkesë të bibliotekës.
- Nëse anëtari i bibliotekës mbush 18 vjeç dhe lloji i adresës postare për njoftimet e prapambetura vendoset në adresën e garantuesit/ kujdestarit, do të shfaqet një mesazh.

Nëse anëtari ekziston në regjistra, hapet dritarja **Materiali i bibliotekës kryesore**.